




焦陽經



悟善社

L52



光緒丁亥年孟夏月重鐫

# 樵陽經

板藏江西省廣潤門內甲戌坊乙照齋

新鐫道書樵陽經目錄

一卷

呂祖樵陽經序

圖

下手功夫

煉藥神功

女功修煉

白玉蟾祖師樵陽經後序

二卷

中國社會科學院  
世界宗教研究所藏書




松沙記

龍沙記

瀛洲仙籍 有序

八百洞天真師記

樵陽子語錄



樵陽子語錄  
卷一  
序

新鐫道書樵陽經

濟一子珊城傅金銓較刊

孚佑帝君純陽呂祖樵陽經序

樵陽經乃三天秘旨付與樵陽子新建有樵陽市即地為號因以名經

帝命吾與

都仙許祖授之樵陽得其經遵而修之以成內外

二丹已造大覺地位

天詔未下八百未齊昇期未及耳因地得號眾以樵



陽子稱之。因而自號焉。乃八百之魁首也。諸真多出其門。周遊遍度。功高諸第。八百之徒。未有能過之者。故以樵陽爲首。然光天之下。夷夏足跡。豈能遍及。豈能人人指授。方方耳提。故仗是經。遞相傳授。卽樵陽之授受同。吾承

帝命。主教五陵。作選仙會長。其間有履歷未及者。吾命諸真各代指授。轉以授爾。爾其恭承

帝命。仰副

都仙。凡可度者。以樵陽經授之。如出於樵陽同代

吾度者。亦不下樵陽子。都皆授之以樵陽經。我

惓惓反覆。歷洪都來松下。

今西山萬壽宮有云祖親筆題偶來松下

四字詳明宗旨。吐露丹沙。良有以也。爾當自勉。大

奮剛刀一斷。爲出頭好漢。成宗作祖。使此神此

身萬劫不壞。爲萬代瞻仰。度無量無邊衆生。不

負此佳期。亦千載一奇遇也。夫此經所載。乃玉

液金液。內外二大丹頭。此大道法。非是傍門小

術。乃最上一乘之道。不二法門。火候詳的。藥物

真正。池鼎爐竈精微。由下手以至了手。由內丹



以及外丹依此行持。一步步直抵金仙。與

軒轅

老君並駕。

列聖齊肩。形神俱妙。與道合真。萬劫長存。超乎三  
界。天地閉塞。我獨全神。天地重開。我獨原性。元  
會不能窮其算。宇宙不能及其年。化育天地而  
不爲天地化育。主宰乾坤而乾坤直我豎立。是  
從此一點真金。虛無妙有。生天生地之真種子。  
成無量金剛。結不壞玉果。聚則成形。散則成氣。

出有人無。昇天達地。莫不從此經中來。此經直  
指予予。無不詳盡。猶如口授。非爲八百仙徒。

上天不肯形之筆札。非膺

帝命。不敢盡陳口吻。聖聖心心。真真實實。萬典千經。

皆已蘊盡。可澄心息念。細細窮研。自能融會宗

旨。作他日傳度衍法主柄。內丹玉液工夫。自能

貫串骨髓。金仙之地。立達此道。自垂始以來。傳

度

黃帝



孔子

老君

釋迦最上一乘妙法。通儒釋道三教。外此皆二乘下品。易遇難成。非大有緣。不肯屢屢細陳。今之三教。忘其根宗。不達合一之旨。互相詆毀。各鼓簧其舌。以眩惑愚夫愚婦之聽聞。而賢智亦因而移之。儒流每藉口欲正人心。人倫爲首。不知釋迦羅瞻亦有室家之別。父子之恩。鳩摩羅什亦生二子。

老子之子宗爲魏相

黃帝四妃二十五子

天師張道陵子孫相傳。至今世世不絕。俱有室家。嗣續相傳。彼二氏者。何嘗棄人倫哉。嗟乎。修道乃有程限之年。大丈夫孝弟人倫之後。有道則見無道則隱。苟能內外兩忘。洗心泯念。則三年九載。可以立證金仙。何妨在市居朝。惟外丹一節。須擇仙山勝地。外金丹地。元點化人。元服食天元。拔宅雞吞。化鳳枯骨成。形倘心地未了。則窮年卒歲。猶是凡夫。豈能身



外有身。粉碎虛空。白日羽翰耶。若必終身不婚。不嗣。而後可成仙作佛。此末世不知道釋之宗。而徒尚道釋之末。道釋亦不知其宗。惟訛尚不婚不嗣爲高。不知儒與道釋共宗合一之旨。惟就道釋流傳之弊。以詆毀二氏。能不見嗤於

老子

釋迦

孔子耶。惟求道者。不知先天之真精真炁真神。而求之凡精凡氣凡神。不知先天之真銀鉛汞砂。

而求之凡銀鉛汞砂。五金八石。以爲金丹。猶以死起死。萬無是理。大抵惟採無形。可以化有形之體。惟煉無始。可以存有始之真。若非真砂鉛銀汞。安能化凡砂鉛銀汞。望五金歸真。八石聽令乎。自非真神真炁真精。性命同出於身內者。安能合形軀。長壽命。出有入無耶。點化尚不能。延形尚不及。焉能望身外有身。刀圭入口。白口羽翰乎。噫。樵陽之名。豈徒地名。人號歟。抑樵之爲言採也。取也。陽之爲言水金也。一點陽精。真



種子也。生天地人物之父母也。採此一點真陽。一畫乾金。修合成內外大丹也。俾八百仙徒。尋文悟旨。依經遵矩。照此尋常之典而行。直透金仙大覺地位。飛昇天外。直超三界。方無負於樵陽子之授受。樵陽經之名實。故敘其事。爾其領之。

無名天地之始

大極陰陽之始

恍惚中物

杳冥中精

無始以前

有始之初


陰陽之始

五行之胎

八卦之源

無極

太極



修之則曰道

煉之則曰丹

順之則生人

逆之則成仙

有名萬物之母

生身受氣之初



斗柄逆旋左有象

真神室

呼吸

真金鼎

真返照始成仙

予北門

一開一闔之謂道

氣是延年藥  
心為使氣神

心下腎上肝左肺右

流珠  
癸水

滾土生苗  
潔滿丹田

後子生前  
白之藥濁蠲

后土皇  
京煉九陽


德六一陰  
寶數用鉛

此竅非凡竅  
乾坤共合成  
名為神氣穴  
內有坎離精

往來不窮之謂通

若知行氣訣  
便是得仙人

非腸非胃一氣流通





新鐫道書樵陽經卷一

濟一子珊城傅金銓較刊



三天金簡秘旨五陵昇仙至寶真空寂鎮玉液大還

丹樵陽經

下手功夫

夫功夫下手不在作爲作爲都是後天今之道門多  
流此弊故世罕全真不可着於無爲無爲又落於頑  
空今之釋門多中此弊故天下少佛子此道之不行  
由不明也初功在寂滅情緣掃除一切雜念方可下



功除雜念。乃是第一着。築基煉已之功也。至功完撒手。亦要克去人欲之私。澄心習靜。此心卽便是天心。每日先靜一時。待身心都安定。氣息都和平了。再將雙目微開。垂簾觀照。心下腎上一寸二分之一中。不卽不離。勿忘勿助。微微着一些念。凝照於中。耳目都收於中。萬念俱泯。一靈獨存。此無念之念。謂之正念。乃先天之真念。發露處。雜念未萌之始。卽真意也。是爲真土。又名黃婆。於此念中。若有若無。不可太執着。又不可太放了。滾滾轉轉。活潑潑地。再將氣微微呼上。

上不衝心。微微吸下。下不衝腎。悠悠揚揚。一往一來。若亡若存。一照一用。念收緊了些。恐火太炎。有水乾之虞。當舒舒閒閒。少放一些念。放縱了些。恐水太濫。有火寒之弊。當照顧於中。少收一些。行之一七二七。自然漸漸兩腎火蒸腰俞。煖氣自盛。息不用調。自然於上中下。不出不入。是爲胎息。是爲神息。是爲真人之息。以踵踵者。深深之義。是爲真息。是爲歸根復命。自然一闔一闢。無形而有機。是爲真橐籥。真鼎爐。是爲孚輅之門。天地之根。氣處到此時。如花方蕊。如胎方。



胞自然真氣薰蒸榮衛由尾閭升夾脊至泥丸下鵲  
橋過重樓至絳宮而落於中丹田是爲河車動但氣  
至而神未全非真動也不可理他我只微微凝照守  
於中宮一步步自有無限關節無窮景象無盡生機  
所謂養鄴鄂者此也見此一番光景陰陽方有門戶  
真氣方有升降乾坤方有往來行之一月二月我神  
益靜靜則無爲而神益生此爲煉精化炁之功也百  
立基溫溫火候既已行之一月兩月或百日精神益  
之功長真炁漸盈血水有餘自然坎離交媾乾坤會合神

融氣暢一霎時間真炁混合自有一陣百脉上衝是  
真河車動中間若有一點靈光覺在下丹田是爲結  
就黍米半珠是爲種一粒半珠於泥底是爲地雷震  
動山頭雨洗濯黃芽出土來此時便是一陽生了如  
秋潭夜月沉沉湛湛映於碧波之中如紅日初升隱  
隱淪淪照於滄海之內似露非露若隱若顯如神龍  
引水雲騰水湧雲中之電光地下之海潮如明月如  
朱橋如金蠶如流星種種景象不可枚舉方坎離未  
交虛無寂靜將神凝照於中行之百日功無間斷方



得成胎是爲五行配合水火相交坎離合一。是之謂二候。採取謂之小周天。謂之前行短。乾坤坎離既交。是謂四候。得藥。彖珠呈象。神居鼎內。丹光不離河車。逆轉是謂行大周天。謂之行九轉。大還謂之後行長。鼎內丹光石明。須要行配結火。直待鼎內丹光明。方可行大周天。火若早行之。是謂真空。錯反致燥散。將疑之。真精氣虛無寂靜之中。見此一點性理。真機聽他自然上升。爲妙。纔着些意。採取便有阻化機。故時至陽生。採取配合。純是先天自然運用。無中生有。故

云有作有爲皆是幻。無相無形。始是。靜裏天機。心知神運。自然真氣漸著。是名元始祖炁。又名受氣。生身一點真陽精。也是爲坎離精。是爲真種子。是謂水中乾金。是爲彖牝性命。未交神炁。未合此一點真陽。尚屬兩家。隱埋於情識嗜慾之中。無形無朕。性命既交。神炁既合。此一點真炁混而爲一。迴露於慾盡情寂之時。而有象有精。到此地位。息住於胎。八脉俱停。陽升陰降。時刻無差。千種光華。萬般景象。我只微微凝照於中。出不入。無去無來。任他龍爭虎鬪。河車



運轉天地反覆一番須與動極而靜他自然上升入於開合之中溫溫鈞鼎光透簾帷到此時我只時時照應綿綿若存用之不勤迴光返照以意溫溫穩把元神凝照守住他於丹田少頃一念不生他亦止於胞中惺惺不沒終年不出是謂封固火候此安神入鼎工夫若徒知採取而不知此功終久行之總沒下落故有見龍不識龍見虎不識虎之譏安神入鼎一點真機自然長存到此便是二陽生了百脉周流一點惺惺止在胞中燦然不沒無去無來無間無雜如

嬰兒之在母腹無有一念一路工夫不可間斷神自爲之自然白雪漫天黃芽滿鼎自一陽二陽三陽真意灌注日復一日一周天從微至著漸漸盛大如夜深月正明天地一輪鏡萬籟無聲乾坤寂靜景象直至四陽五陽六陽十月功足表裏虛明遍體金光方成純乾皆此一點杳冥恍惚真精凝結積累而成可以神睹不可以想象求一步步自然功成不可逾越助長故自一陽生後神居鼎內丹光不離須要真友調護飲食寒暑備用一切不關於心終日如愚



如雞抱卵。如龍養珠。念茲在茲。金鼎常暖。玉爐不寒。默守此一點靈光。所謂家家月也。我無爲而神自有。爲使之漸凝。漸結。是爲煉氣化神。此時名爲得丹。仙經謂一點落黃庭是也。神入炁成胎。炁歸神結丹。但人雜念少者得丹早。雜念多者得丹遲。在人一刀兩斷。坐下掃刷之勇猛。不勇猛耳。此法易簡。迴風混合。百日功靈。工夫迅速。捷如影響。得丹之後。只有十月之功耳。三百日火。十箇月胎。到此神光返照。內鏡朗然。此時百魔俱出。引入他宗。必平常時積功累行。而

天神自祐。結丹之後。有許多景象。皆是平生夙習。雜念至此盡出。皆非正物。非真景象。不可被他引誘。被他驚恐。我只將工夫行之。無有間斷。十箇月不可使一毫雜念入於中宮。否則恐有喪失。大丹不固矣。行住坐臥不離。這箇大抵。只迴光返照。凝神入於氣穴。一神內守。真息綿綿。用之不勤。出。不入。虛極靜篤。靈臺寂寂。絳宮惺惺。雜念民而覺。照存。是謂真空。溫溫火候自然。天機發動。真炁朝元。乾坤反覆。進退有度。動靜不踰。時行而行。不得遏止。自然而行也。雲收



霧捲皓月孤明時止而止不得強行自然而止也此乃自然天機生成造化非人力所能爲也一着有爲便是後天內丹火候自首至尾只是溫溫爲主但安神息一任天然真火真火者真神也候者無間斷也無間斷無絕續不出入勿忘勿助綿綿若存用之不勤用之不勤卽溫溫矣非如外丹有加減之功運用之法也此一點惺惺真機卽佛之圓陀陀見此性卽成佛也仙云無油燈照十方卽金丹也故曰得其一萬事畢恭同契曰金來歸性初乃得稱還丹是

坎中一點真陽上升與元神混合於中宮故曰性命雙修也心火下降腎水上升若火不下降卽水不上升此一點真精輝輝然由下田而上中田由中田而至上田皆自然造化不容着一毫智力真陰之氣神也性也有中之真無也真陽之氣命也一點靈光也無中之真有也有無相合神氣混融卽丹也道也是謂太乙含真炁也如此行持一路無有間斷自然百脉俱住紅血化爲白膏河車大定真氣洋溢不動到此自然金光罩體此真景象也漸漸自覺能出入之



時計此十月功足。或飛舞於三關。或身飛於峭壁。或冲升於上院。此身外有身。再不可行前功夫。是謂天地靈造化。慳火候足。莫傷丹者。此也。十月胎功到此只是真空靜坐。或一年二年。三五年至十年。二三十年。百年打破虚空與太虚等。是謂虚空粉碎。此爲煉神還虚之功也。前功十月既滿。須時時照顧嬰兒。十步百步。千里萬里。以漸而出。倘或放縱。不禁風雪矣。久久行持到壯。透金貫石。入水蹈火。通天達地。去來無碍。隱顯莫測。心欲一則一。欲百則百。是千萬億化身。

也。再行功滿。濟世拔貧。服煉神丹大藥。形神俱妙。白晝飛昇。全家拔宅。又在功德之淺深何如耳。如或不服神丹。只是陽神冲舉。萬劫長存。固視舊骸。一堆糞土。如再修服大丹。刀圭入口。白日羽翰。萬劫長存。與宇宙同泰矣。


煉藥神功

夫靜功在一刻。亦有一刻之煉精化氣。煉氣化神。煉神還虚功夫在內。不但十月然也。一時卽一日。一日卽一月。皆然。坐下閉目存神。大放下身心一場。使心



靜息調。卽是煉精化氣之功也。然後微開雙目。迴光返照。凝神入於氣穴。使真息自來。自往。內中靜極而動。動極而靜。無窮景象。無限天機。乃是煉氣化神之功也。如此真炁朝元。陰陽反覆交媾一番。他自然風恬浪靜。我於此時。將念止於丹田。卽是封固火候。此封固功夫。平常時亦行之。非但於一點落黃庭時爲然。凡後而行功。靜極而動。動極而靜之時。皆宜大休歇。一場臨坐完時。起身時。亦少行之。坐而起。歇止少頃。又大放下身心。閉目大定。大休歇一回。方起。卽是煉神還虛之功也。卽刻卽時。卽日。卽月。卽年。皆有此三部功夫。不但入圓十月。故曰運之一刻。一刻之周天。運之一時。一日。一月。一年。卽一時。一日。一月。一年之周天也。然一刻中。上半刻爲溫。爲進陽火。爲陽。爲望。爲上弦。爲朝屯。爲春夏。下半刻爲涼。爲退陰符。爲陰。爲晦。爲下弦。爲暮蒙。爲秋冬。一時則有上四刻。下四刻之分。一日。一月。一年。皆同也。此之謂攢簇陰陽五行。一刻之工夫。奪一年之氣候也。





女功修煉

太陰煉形與男子修煉之法大同小異初功下手閉目存神大休歇一場使心靜息調而後凝神入於氣穴在兩乳間將兩手交叉捧乳輕輕揉摩三百六十遍將氣自下丹田微微吸起二十四口仍用手捧乳返照調息久久自然真氣往來一開一闔養成鄞鄂神氣充足真陽自旺其經水自絕乳如男子是謂斬赤龍如此久久行持後不必捧乳吸氣只凝神於炁穴迴光返照是謂予牝之門也真息悠悠虛極靜篤



陽氣薰蒸。河車運轉。萬朵紫雲。籠玉宇。千條白脉。貫泥丸。自覺一點靈光。不內不外。自下田上昇絳宮。泥丸下重樓。歸於金胎神室。迴光凝神。真息住於中宮。鼎內是神入室矣。是爲多。此是爲胎仙。卽一點落黃庭也。其後十月工夫。陽神出現。粉粹虚空。一路修真。與男子同。無彼此之別也。

白玉蟾祖師樵陽經後序

嗟夫人稟一以生。一存而存。一亡而亡。守一不離。乃可長生。此一非頑空之一。不落有。不落無。不落上下四旁。不偏不倚。乃性命二字真陰真陽。而成分之。則爲兩儀。合之。則爲太極。太極從無極中來。此一點靈光。生在無極之中。如黍米。如珠。故曰一粒黍中。藏世界。質生天生地。生人生萬物之父母。故曰無名天地之始。有名萬物之母。聖人制爲金液還丹。名曰外丹。採元始祖



炁。虛無妙有。真山澤之中。而取日月之精華。乃天地之一。亦吾人之一。採而煉之。制爲玉液還丹。名曰內丹。此丹採於吾人四大之中。生身受炁之初。搏而混合。乃性命之真精。聖人知一之根。而從此一點修來。先內後外。以神馭氣。而成道。卽是以性合命。而成丹也。寂靜虛無。覺照圓滿。真空寂鎮於中。中者卽乎此之門。一之安身定命處。故使一點性火下降。而一點靈光真合之。水上升。混合於中宮。而爲一。是爲得一之一。

得一復忘其一。故曰得丹。亦曰一點落黃庭。此爲內外雙修之大旨。學者惟貴二六時中。六欲不生。萬緣頓息。靈臺寂寂。絳宮惺惺。從此一點靈機上。刻刻不離照顧。真定則行住坐卧。無往而非道。君子無終食之間違仁。造次必於是。顛沛必是者。此也。戒慎乎其所不睹。恐懼乎其所不聞者。此也。終日顛顛如醉漢。悠悠只守洞中春者。此也。觀自在菩薩者。此也。今天地大劫。八百昇騰之日。聖道大明之時。故此一着盡性致。



命之功。

上天爲八百開闢泄三天之秘密。著作丹經。指明內外。

命吾

呂祖帝君。

許祖都仙授之樵陽。九年學就。大還丹三年煉成。外金液。闡揚正道。盡露真傳。以授八百。故目是經曰樵陽經。傳是經者。皆在有緣。果劫修來。如幸逢之。卽樵陽之授受也。故經之首以玉液內

丹爲冠。內丹成。外丹就。必也有聖人之體。然後可以行聖人之用。以性招命。以神馭氣。以炁歸神。性命雙修。名曰玉液還丹。養性而不墮於空。命在其中。守母而復歸於朴。性在其中。斯性命兩全。然雖身外有身。猶未盡其妙。從此三年九載。一朝粉碎虛空。直超三界。斯爲了手矣。



新鐫道書樵陽經附集卷二

濟一子珊城傅金鉉彙輯

許旌陽真君松沙記

余自修道方明氣術爲先陰功爲首頃獲靈劍掃蕩  
妖精蛇蜃之毒傷害於民。今潭之上鑄鐵纂以封蜃  
穴。夜使鬼神鑄二鐵柱。暗鎖豫章。一柱在城南。又於  
西嶺。恐蜃奔衝。陷溺庶民。立一柱在西山東面雙嶺  
之前。斬大蛇於西平建昌之界。有子從腹而出。走投  
入江。遂飛神劍逐之。緣此蛇子無過。致神劍不誅。上



足吳猛云。蛇子五百年後。當准前害於人民。予荅以松壇爲記。松枝低覆於壇。拂地。合當五百年矣。吾當自下觀之。若不傷害於民。吾之靈劍亦不能誅也。今來豫章之境。五陵之內。相次已去。前後有八百人。皆於此得道而獲昇仙。當此之時。自有後賢以降伏之。吳君云。將何物爲記。荅曰。豫章大江中心。忽生沙洲。漸長延下。掩過沙井口。與龍沙相對遮掩是也。其得道漸修之。各自成功。相次超昇金闕。及爲洞府名山主者。道首人師。當出豫章之地。大揚吾道。吾著氣法。

醫書都五十卷。流傳於世。于請不憂耳。上足迴劍斬南湖石獸。飛劍入獸眼中。其獸雖吐氣如雲。祇引出其面受誅。獸不動眼。知此獸無過。劍不加之。收劍而迴。以此之功。故號靈劍。予而傳授後來得仙之士。豫章河西岸。尋獲魏夫人洪崖先生舊蹟。入府內得金錢丹藥。亦重宣氣術。陰功學道之士。初廣布陰騭。先行氣功。持內丹長生久視之法。氣成之後。方修大藥。自古得道超昇之士。尸解之徒。皆以陰騭爲先。或濟貧拔難。或暗行施惠。將救饑寒。種種方便。以滿三千。



功。司命錄言奏於上。大藥可修矣。

氣術爲先。陰功爲首。只此二句。修仙妙法。萬卷丹經。不越此語。道無德不行。陰功者。德行也。紫賢真人曰。若無功。行難遭遇。縱有師傳。未免疑。又曰。其道至簡。其事匪遙。但非豐功偉行。不能遭遇真師。聖神妙用。非同常理。有志之士。欲行此氣術之功。端自立德修心。始復爲指示。先行氣功。持內丹長生久視之法。氣成之後。方修大藥。能知久視之訣。成人可以不死。能知氣術之法。個個可以成道。氣符白雪。此非天眷。斷無成就。真君之全家拔宅。淮南王之雞犬皆仙。以此。

許旌陽真君龍沙識記

真君曰。吾上昇去。一千四百四十年後。有當洪都龍

沙人城。栢枝掃地。金陵火燒報恩寺。驪龍下地來地

陵。沙湧錢塘江。黃河澄清。暴水衝。灞橋斷。濠復築。滿

灞橋作路。潭水劍龍騰空出。輔聖仙在延平。金山石

生石塔。禪僧脫胎。流蹟古心塔。四川古栢顯神。五陵

之內採金烹鑛。洪水漲濠。當此時也。吾道當興。首出

者樵陽子也。八百地仙相繼而出。逐蛟至洪都。而大

會聚矣。識曰。維木維猴。吾心甚憂。洪澤北決。疫瘴南

流。沙井漲遏。孽其浮游。若人斯出。生民之床。強圍大

困獻。涂月許遜。



接此卽神霄伏蛟鐵券之詞。其文鑄於鐵柱。役鬼神而造之。非金非石。勾鎖地脉。使不傾陷。強圉丁也。大因馱亥也。涂月十二月也。皆支干之異名。真君生於漢後主。延熙二年巳未。是年爲吳大帝赤烏二年。至東晉成帝咸和二年丁亥。真君年八十。九歲。後四十七年飛昇。咸和二年巳未。洪都今南昌府古之豫章。卽江西省城。議記於千四百年前。今龍沙入城。侵及雉堞。章江中心。忽生沙洲。長十餘里。名曰新洲。與沙井相對。但未掩過耳。真君飛昇於東晉孝武帝寧康一年甲戌。至今道光三年癸未。值千四百五十三年。豫章童謡云。沙擁章江口。神仙滿街走。時節之來。願與同志共勉之。頌曰。五陵無限人。密視松沙記。龍沙雖未合。氣象已虛異。昔時雲水滌。半作滄桑地。壇樹拂低枝。因緣時節至。首出樵陽君。八百欣同契。

瀛洲仙籍序

瀛洲仙籍者。晉之許真君。拜謚母元君。授銅符鐵券。經。而修煉金丹。服食登仙也。石碑云。蘭公堂遺謚母。囑曰。前一千二百四十年。有許遜者。曾授此經。而昇舉之後。再一千四百年間。當出八百真仙。而首樵陽子矣。厥後許君証道昇霄。依謚母之所囑。留八百之姓名。刻於蘭公堂石碑之上。曰。八百登瀛洲。故有此瀛洲籍也。且囑曰。龍沙入井。栢葉掃壇。世記千年。闡揚正教。八百真仙。真君埋碑去後。迄今國初洪武水



衝碑現八百仙名。俱昭然揭露。余也叨治是邦。偶聞鄉市之民。紛囂東南。水洗坡圻。文碑突起。相告余親勘視之。乃此碑也。命書錄之。申明道院。且覽碑背篆有八字。命余梓揚。以證仙緣。是不敢秘。乃出梓焉。

時

大明洪武二年三月穀旦。楚元和子識。

瀛洲仙籍

五陵仙子由斯出。一千二百四十年。帝王流傳靖慶曆。樵陽有士冠羣仙。日月中天傳秘密。書符咒水感天真。指明鉛汞真端的。九年養就內還丹。三載煉成外金液。闡揚正教發真詮。八百仙徒宗其秘。東南有士陳學峯。因過三山相繼識。三朋兩友講丹經。發洩天機明道脉。河阿有分來相從。感師相遇宗兩口。龔公藝會發丹財。彼此無二相知友。微霞劍士蔣元大。徐盧同契相親厚。葛翁後令高力士。孫三發節連枝。



偶卜田卜人陳維藩。踏青遇合欣傳授。劉芳杜禹德  
爲伴。漳泉相訪王主人。反覆更來反覆評。武夷彭引  
見雙陳。左堂王氏雙真子。不會臨爐只看經。天緣得  
契成真道。也是前生有宿緣。吳廖李黃王彭謝。七子  
樵陽是眷親。趙芳荀武文儒士。柳陌花家也會行。林  
陽橋下馮元器。王小江中共一林。化元卜伍康莊衛。  
歸來曹劉共一心。大丹處處皆堪煉。分散楊花大地  
春。再求王子友縉紳。遇有謝齡吳下人。益府小仙傳  
派衍。鄱陽不穴取鉛精。大佛寺裏牛和尚。洪都張玉

共修真。東莊地脉求黃舍。豐劍南籬李道賓。蔓枝生  
向金陵去。江北洪王趙呂明。另有童子名治巖。推擎  
救病了修行。包諸周許何先德。章敬天陳顧大經。浮  
梁李管虞清生。歙邑汪昆五共程。孟梓祁和劉娘子  
朱唐譚慧王閔辛。甘秦倉下劉朱吳。蕪湖張寶余邢  
施。統領八十零三士。盡在樵陽位下人。衡陽有個韓  
楚霞。四海飄飄不顧家。午年幸會樵陽子。教將鉛汞  
煉黃芽。先到武陵鄒大富。安爐立鼎取金花。不期天  
降風雷響。二人收拾奔楚麻。小耿聞之助丹財。建立



丹臺取雪花。清梁道士張逍遙。煉丹四十不成交。一朝貫徹通真脉。去訪文臯共學燒。茶陵桂士禹文先。熊梅杞八盡爭前。黃梅郝范昌之士。緣連十友共會緣。石巷小名黃狗寶。自小生來性好道。龍四曹大魏架馮喻奚共住菴中好。項九相逢陸紫霞。五霞王氏煉鉉花。副使梁公來訪道。不分貧賤共鉉砂。宜陽兩女尼菴宿。心上清修念不邪。感動仙真來指點。街坊浪子一瞿顛。夙世曾與仙有緣。只因盜得仙家祿。也去阿羅拜頂仙。長沙邱長南灘柳。人事苗仙學燒丹。

只爲楚霞多浪跡。飄飄遊到張家灣。聚會眾徒五十。一不能分散受艱難。只得選仙開道院。八十五人住洞間。總來共計百五十。人人直上五雲端。鄖陽童子孤最睿。不貪名利居山僻。因道麻城訪道朋。由斯得遇樵陽集。靈臺自有悟真機。鉉汞燒來成服食。府牧郭公威好道。相逢拜授成相識。曾三吳二陳時美。荆州原許劉朱會。汪陽葛道劉梅閑。洛溪陳霍號蓮溪。金村吉甫石頭子。繆繡芸香蓬華居。轉過道州王五子。水明張六李猴兒。九嶷山下青童子。萬里彭方狄。



孔朱黃州三姐柳氏女。清江道士李軒岐。黃榜街頭  
牛馬羊。時人趣此是三狂。先學法經後學丹。鯉魚跳  
上大溪灘。一時授得真仙訣。三十六人不等閒。鄭陽  
府牧郭公威。棄職歸山緣水居。朝與王孫遊石下。忽  
然遇着趙宗倪。因此洩出真鉛汞。道脉從茲又遠馳。  
舒奇緣合傳真秘。南嶽山中煉丹處。孫絕河山周十  
五。破了家財苦又苦。南嶽山下逢舒奇。便把丹經洩  
一語。一語悟透真消息。直至侯家得伴侶。法財兩備  
得成丹。行過南州遇趙珊。歐陽上官周王府。崔計及

五同相泰。泰透鉛汞丹已就。一十六士俱上天。泗州  
豪傑倪萬金。性愛燒丹家受貧。得逢董子遊相訪。憐  
授樵陽一卷經。從頭悔悟知前錯。丟去八石與五金。  
此時得道欣欣樂。度了袁黃陳子卿。柳家一士忽顛  
狂。親見仙翁授丹方。報與南村鍾與吉。我今寫出鉛  
汞章。這回聚集好多人。羅彭藍七小伯王。杜真駱師  
雷公子。尹喜婁堯李大郎。錢藍鄭少馮溪翁。水清栢  
葉九州豐。二十四子西川去。處處楊花有路通。東隴  
丹師李行一。遨遊撞着陝西客。暮菴一夜傳丹經。記




取丹經欣所得。度了府佐陳悟去。邀同舊友四方士。記來五十有七人。大家打作一團心。此回神仙處處遊。東逢西遇結仙儔。葛仙宿大華陽洞。故號華陽是教流。柳慶枕方來頂禮。三郎蔣子集全州。太平洞內取真鈔。飄搖直直上瓊樓。四十九人同得道。清江王府姓名留。此輩盡封清江府。算來人有十三方。樵陽突出一小張。丟棄經書去遠方。南北二京都遊遍。有法無財暗自傷。訪賢到處思接引。喜逢許沈共潘張。玉堂學士多後裔。鐵甲將軍僅五郎。虞生震澤金陵

派蕩口花山大藥香。一百七十皆弟子。雲中雙鶴也翱翔。先到武陵會武士。要探陶二講文章。大陶不見小陶見。江北南山去隱踪。陵上菴內多丹士。二十四人爲正宗。樵陽親出救羣公。馬陵失道顯神通。救了壇溪陳大老。鍾離去了又相從。八十四人唐學士。大家隱跡在離峯。一句真言吐真實。一班仙子叩蒼穹。唐學士家玉帶溪。一生正直不藏機。就把金丹來講洩。胡秀方知作丹梯。會集同方十二士。煉成大藥任遊嬉。不期胡子登科甲。直上京都謁楊郭。酒中講出



丹砂妙。侍郎楊部求丹道。此官愛民多功行。一家十  
七盡登仙。府尹鶴公親下拜。楊公接引共昇天。後到  
金陵史家來。王球相遇砌丹臺。正去酒房夜議道。徐  
子聞之急出財。這番道脉過江南。直許浪沙邱士談。  
許劉于穎浮華士。黎道亨傳穆爾孩。一十六人皆得  
道。青天白日上瑤臺。東杜俊住仙橋。清溪道士劉  
元亮。隔遠相逢狄少橋。公侯士子皆相向。二十八人  
傳派還丹竈。藥爐無盡藏。雲端界外貂夷地。咕喇哈  
喇也共位。相傳雲貴歐三士。盡在東華泰岱裏。樵陽

子出四方遊。引領八百真仙弟。外有三千不記姓。同  
赴洪都謁師祖。壯年得道稱老叟。再言又恐洩天機。  
各積陰功拔宅地。龍沙會聚庚申歲。咸成道果禮元  
元。





許祖浮雲宮八百洞天真師記

余今集下洞章篇遺記明朝八百仙。陸地神仙從此出。五陵之內採精多。東浩西蜀南廣地。中垣北岱豫章仙。龍沙會聚庚申歲。道果圓成起太辛。識系攸攸上帝留。古有福地在洪都。寅卯起辰巳止。十八孩兒首下之。山頭月照破魔兒。淡淡水不用米。人人都着紫緋衣。東邊鯉魚吞鈎也。女子坐家隱姓名。丈夫河內番黃石。星近日頭不在天。颶風吹倒山川地。三三前後幾人猜。兩枝去十又得全。吩咐後人要心堅。莫



浪言莫浪言。蟠桃久熟三千年。個個姓名登天榜。五陵之內出神仙。洪井洞漫烏晶。沒蜀江一派流涓涓。鐵樹此時同株栢。石碑留記予中予。予中所予十二句。內藏八卦九師焉。九師來度八百子。他年方顯表真詮。偈曰

道法源流心合心

句中悟得是知音

起從十八兩枝出

三四分明不用尋

### 樵陽子語錄

樵陽子姓劉名玉字順真號玉真子。其先鄱陽石門人。父遷新建縣之樵陽市。生於南宋理宗寶祐五年丁巳八月二十日。都仙親降其家。授以中黃大道八極真詮。爲八百之首。至元武宗至大元年戊申。以傳教之任付黃元吉曰。吾此生爲大教初機而來。異時再出。當與八百弟子俱會。告以返真之期。春秋五十有二。元吉字希文。豐城人。



或問古今之法門多矣。何以此教獨名淨明忠孝。先生曰。別無他說。淨明只是正心誠意。忠孝只是扶植綱常。但世人習聞此語。多忽畧過去。此間却務真踐實履。

又曰。大忠者一物不欺。大孝者一體皆愛。

又曰。何謂淨不染物。何謂明不觸物。不染不觸。忠孝自得。又曰。忠者忠於君也。心君爲萬物之主宰。一念欺心。卽不忠也。人子事其親。自謂能竭其力者。未也。須是一念之孝。能致父母心中印可。則天心亦印可。

矣。如此方可謂之孝道格天。

人之性本自光明。上與天通。但漸染薰習。縱忿忿慾。曲昧道理。便不得爲人之道。則何以配天地而曰三才。所謂忿者。不只是恚怒嗔恨。但涉嫉妒小狹褊淺。不能容物。以察察爲明。一些箇放不過之類。總屬忿也。若能深懲痛戒。開廣襟量。則嗔火自然不上炎。所謂慾者。不但是淫邪色欲。但涉溺愛眷戀。滯着事物之間。如心貪一物。綢繆意根。不肯放舍。總屬欲也。若能窒塞其源。惺惺做人。則欲水自然不下流。雖是如



此其中却要明理。明理只是不昧心天。心中有天者。理卽是也。

先生曰。淨明大教。大中至正之學也。可以通行天下。後世而無弊。緊要處。在不欺昧其心。不斷喪其生。謂之真忠至孝。事先奉親。公忠正直。作世間上品好人。旦旦尋思。要仰不愧於天。俯不怍於人。內不疚於心。當事會之難處。處以明理之心。處之似庖丁解牛的妙手處。教十分當理着。步步要上合天心。只恁地做將去。夙興夜寐。存着忠孝一念在心者。人不知天心。

中黃太一之景。名曰天心。又稱祖土。乃世間生化之所由。萬理之所都也。散在人身中。謂之丹局。所以曰人心皆具一太極。一切善惡因果。所不能逃。如影隨形者。蓋於上界實相關繫故也。所以學道者。必先窮理盡性。以至於命。明理之士。自己心天光明洞徹。自是不昧言行。自然不犯於理。絲毫礙理之事。斷斷不肯爲。只爲心明故也。心明則知本性下落矣。既知本性。復造命源。當是時。污習悉除。陰滓普消。升入無上清虛之境。極道之墟。水火風災之所不及。方得名爲。



超出陰陽易數生死之外。

或問祈禱亦有卒無感應者何耶。曰。雨暘關係天地間生意。至誠求請。烏得不應。若平日操修涵養。不能上合天心。一旦欲求其應。不亦難乎。人事盡時。天理自見。

或問都仙真君斬蛟之劍。可得聞乎。先生曰。道劍也。智鍔慧鋒。實出一氣。未發之先。寂然不動。所謂形而上者。謂之道。既發之後。形而下者。謂之器。如星於地而爲石。霆所擊處有遺斧。卽陰氣之渣滓。今廬陵之潭觀所藏之劍。非鐵非石。長不踰尺。實智鍔慧鋒之渣滓也。

又曰。人心之動。因物有遷。當於物接之初。反觀以遏其源。所謂復也。凡物之理。動無不復。雷轟風動。興行萬變。終歸於寂。乃其本也。

先生曰。無極者。卽太上所謂谷神。言其體也。太極者。卽乎牝。蓋言其用也。谷虛而善應。神靈而無方。以至靈之物。藏至虛之所。能如是矣。則乾道變化。各正性命。此乎牝所以爲天地根也。



又曰大道生我於無。置我於虛。確然一靈。根於太始。故視而可見者。色也。而求其所以見色者。不可得。聽而可聞者。聲也。而求其所以聞聲者。不可得。夫人之耳目手。皆形之於有。必藉其中無形者。運之。猶虛空無形。以萬物之形爲形。是也。惟無也。故能包萬有。而無餘。以成大道之體。惟有也。故能顯一無之妙。用以成大道之功。

吾初學淨明大道時。不甚誦道經。亦只是將舊記儒書。在做工夫耳。如崇德尚行。每念到戒慎。其所不

睹。恐懼乎其所。不聞言悖而出者。亦悖而入。貨悖而入者。亦悖而出。此等語言。發深信心。不敢須臾違背了。至於用心道妙。每到人有雞犬放。則知求之有放。心而不知求。及夜氣不足以存。則其違禽獸不遠處。便自然知耻。一時感激。不啻如湯火芒刺之在身。心便思道。我若悠悠上去。不了此道。未免做先覺之罪。人直是寢食不遑安處。後來庶幾有進矣。感格穹霄。得些樂處。靜而思之。實由當時知耻之力也。吾有三則古語。學者可以佩受。志節要高。毋習卑污。



務圖近效。器量要大。毋局褊淺。不能容物。操履要正。毋徇己私。隨邪逐物。先生曰。世間粗心學道之人。常說自己無有。不是處。豈有此理。但是未嘗靜定思維。若將細細比較。他古人成就是爭多少階級。所以某常說。人不能自謙。何可望其進道。

或問淨除邪念。有何法度。先生曰。這個却在念頭幾微上工夫。如何是幾微。譬如惡木萌蘖。初生時便要。和根剗却。若待他成長起來。枝葉延蔓。除之較難了。易曰。履霜。堅冰至。言履霜之初。要防備後頭有堅冰。

陰氣轉盛時。所以又曰。君子見幾而作。不俟終日。又曰。此教法大概。只是學爲人之道。淨明忠孝。人人分內有也。但要人自肯承當。入此教者。或仕宦。或隱遯。無往不可。所貴忠君孝親。奉先淑後。至於夏葛冬裘。渴飲饑食。與世人畧無少異。只就方寸中。用些整治工夫。非比世俗所謂修行。殊形異服。廢絕人事。沒溺空無。所以此學。不至潔身亂倫。害義傷教。或問曰。先儒言雷霆。只是陰陽二氣。凝聚奮擊而然。言亦不及雷車石斧之屬。何以道教中。却有雷神姓。



名服色不一。果有之耶。果無之耶。願釋其疑曰。皆是也。吾聞大道之全。有渾然。有粲然。今夫雷霆一陰一陽。其原實出於天之道。所謂渾然者是也。朱子云。未發之前。氣不用。若誅擊世間不孝惡物之類。則實有雷神奉行。所謂粲然者是也。渾然者。先天之道。粲然者。後天之氣。大概真儒抱先天之學。只認着渾然之道。談多不及後天之詳。非不知也。特不言耳。後天法家只認着雷霆天將之屬。無非粲然之氣。有時問他雷霆起處。多是漫不加省。箇中惟有曾踏上頭關的。親見過來。

也。先天後天渾然粲然。無有不是。

道寓於物。混成無間。此常道也。道散於物。辨物制名。非常道也。無極而太極。太極而兩儀。兩儀而五行。自無而之。有一本萬殊也。五行一陰陽。陰陽一太極。太極本無極。自有而之。無萬殊一本也。惟反身而誠。復歸於一。則萬物皆脩於我矣。


天命流行。化育萬物。無非道也。日月星辰。昭布森列。無非經也。雷轟霆擊。霜清雪明。無非法也。細而幽林鳥噪。碧澗魚跳。雲片吸張。瀑聲鳴咽。如是景象。無非



是人入處故復卦以動之端爲見天心之處物理之相感有不疾而速不行而至者。燧諸水火穹壤匪遙。磁石引鐵隔礙潛通。知法家之符印爲燧諸而一已之靈爲真水火則可與語道法矣。非惟物理爲然人亦有之其母齧指其子心動此氣類之相感也。又曰喜怒哀樂不失於正於道無傷但發之各有攸當不致乖戾耳。

先生曰吾淨明大教示人以簡易之理而人猶難之甚矣道之不明也學道之士當篤信心萬一懷疑便

直窒碍己且昏惑何以明人夫天與之而不能守守之而不能行是棄天也自卑以求售其言自鬻以求售其學是襲天也棄天襲天是謂背道凡我法子戒之慎之





捐資刊刷

后

林敬承堂捐錢貳千文

葉乾茂號印送壹百拾部

黃三星堂捐錢壹千文

補過軒印送壹百部

源興油號捐錢壹千文

徐柏棠印送捌拾部


徐秉生捐錢壹千文

留餘堂龐印送捌拾部


補過軒捐錢壹千文

裕後堂印送伍拾部

厚德堂印送伍拾部







2/ 538